

**Meeqqat atuarfiani digitalimut piorsaanerup taamatullu digitalimik atuinerup immikkut ilinniartitsissutigineqartalernissaat anguniarlugu inatsisissamut siunnersuummik saqqummiusseqqullugit Naalakkersuisut peqquneqarnissaannik Inatsisartut aalajangiiffigissaattut siunnersuut. Suliamut tassunga atatillugu Naalakkersuisut attavigissavaat Institut for Læring aamma kommunit siunertaralugu UV-mut atortunik naapertuuttunik ineriartortitsinissaq aamma ilinniartitsisutut ilinniagaqareersut ilinniaqqissinnaanissaat.**

(Inatsisartuni Ilaasortaq Randi Vestergaard Evaldsen, Demokraatit)

### **Akissuteqaat**

(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

### **Aappassaaneerinnineq**

Naalakkersuisut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq isumaqatigiissumik peqqissaartumik suliaqarsimaneranut qutsavigaa allannguutissatullu siunnersuummut tapersiinerannut qujallutik.

Ataatsimiititaliap isumaliutissiissutimini erseqqissaaneratul Naalakkersuisut tunngaviatigut susasaqartunik soorlu ilinniusiornerni imaluunniit ilinniartitsisunik pikkorissaanerni suleqateqarniartarput. Taamatuttaaq pissusissamisuuqinnassaaq nalilersuinermi ineriartortitsinermillu suliniut “Ilinniartitaanerup aqqissuusaanera eqaatsoq ataqatigiissorlu” atatillugu aamma soqutigisaqatigiinnut, qanoq ililluni IT, digitalimik atuiluarneq aamma digitalimik atuneq atuarfimmi atuartitsissutitut atuartitsissutiginissaa imaluunniit atuartitsissummik immikkuullarissumik pilersitsisoqarnissaanik, suleqatigiissuteqarnissaq.

Taamatut oqaaseqarlunga Naalakkersuisut inassutigaat allannguutissatut siunnersuutip akuerineqarnissaa.